

Izvještaj o radu Uprave policije MUP-a Kantona Sarajevo za period januar - septembar 2019. godine

KRIMINALITET

Kriminalitet na području Kantona Sarajevo u periodu januar – septembar 2019. godine u odnosu na isti period prethodne godine, posmatrano kroz statističke pokazatelje, karakteriše smanjenje broja, događaja sa obilježjem krivičnog djela za 11,1%, prijavljenih lica za 15,3% maloljetnih izvršilaca za 35,2%, dok je povećan broj povratnika za 0,8% i lica lišenih slobode za 4,6%. U odnosu na uporedni period, povećana je naknadna rasvijetljenost događaja sa obilježjem krivičnog djela evidentiranih po nepoznatom izvršiocu za 1,6%.

STATISTIČKI PRIKAZ KRIMINALITETA

Na području Kantona Sarajevo u periodu januar - septembar 2019. godine, prema službenim evidencijama Uprave policije MUP-a Kantona Sarajevo registrovana su 2.802 događaja sa obilježjem krivičnoga djela što je za 350 ili 11,1% manje nego u istom periodu prethodne godine.

U prvih devet mjeseci 2019. godine Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 1.931 obavijest o događajima u kojima je pričinjena neznatna materijalna šteta (335 više)

Od ukupnog broja događaja sa obilježjem krivičnog djela, 1.392 su evidentirana po poznatom izvršiocu (ili 49,7% od ukupnog broja), a 1.410 po nepoznatom izvršiocu (ili 50,3%), od kojih je 497 naknadno rasvijetljeno (ili 35,2%), što je povećanje za 1,6% u odnosu na uporedni period.

Službenici Uprave policije MUP-a KS tokom izvještajnog perioda za ukupno 1.889 događaja sa obilježjem krivičnog djela (događaji poznatom izvršiocu i naknadno rasvijetljeni događaji) ili 67,4%, identifikovali osumnjičene izvršioce što je za 2,6% više u odnosu na uporedni period.

**OSNOVNI STATISTIČKI POKAZATELJI KRIMINALITETA
U PERIODU JANUAR - SEPTEMBAR 2019/18.GODINE**

PERIOD	Broj događaja sa obilježjem krivičnog djela			Broj naknadno rasvijetljenih događaja izvršenih po nepoznatom izvršiocu		Broj prijavljenih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR - SEPTEMBAR 2019.	2.802	1.392	1.410	497	238	1.731	46	1.071	859
JANUAR - SEPTEMBAR 2018. GODINE	3.152	1.481	1.671	562	250	2.043	71	1.063	821
<i>uporedba</i>	-350	-89	-261	-65	-12	-312	-25	8	38
	-11,1%	-6%	-15,6%	-11,6%	-4,8%	-15,3%	-35,2%	0,8%	4,6%

Za izvršenje navedenih događaja sa obilježjem krivičnog djela prijavljena su 1.173 lica, od kojih je 1.071 povratnik (ili 61,9% prijavljenih), 46 maloljetnika, a 859 lica je lišeno slobode (ili 34% prijavljenih). U odnosu na uporedni period manji je broj prijavljenih lica za 312 (ili 15,3%) i broj maloljetnih izvršilaca za 25 (ili 35,2%) dok je povećan broj povratnika za osam (ili 0,8%) i lica lišenih slobode za 38 (ili 4,6%).

**UPOREDNI POKAZATELJI STANJA KRIMINALITETA NA PODRUČJU KANTONA SARAJEVO
U PERIODU JANUAR – SEPTEMBAR 2019/18. GODINE PREMA GLAVAMA KRIVIČNOG ZAKONA FBiH-a I KZBiH-a**

glave KZ FBiH-a i KZ BiH-a	JANUAR- SEPTEM. 2019.	JANUAR- SEPTEM. 2018.	uporedba br.KD		ukupan broj događaja u kojima su identifikovani izvršiooci januar- sept 2019.	
			+ / -	%	br.KD	%
Protiv života i tijela	126	121	5	4,1%	118	93,7%
Protiv slobode i prava čovjeka i građanina	107	164	-57	-34,8%	104	97,2%
Protiv spolne slobode i morala	11	13	-2	-15,4%	10	90,9%
Protiv braka, porodice i mladeži	203	178	25	14%	203	100%
Protiv zdravlja ljudi	409	447	-38	-8,5%	409	100%
Protiv privrede, poslovanja i sigurnosti pla.	6	4	2	50%	6	100%
Iz oblasti poreza	0	1	-1	----	0	---
Protiv imovine	1.613	1.881	-268	-14,2%	740	45,9%
Protiv okoliša	3	5	-2	-40%	2	66,7%
Protiv opće sigurnosti ljudi i imovine	67	62	5	8,1%	44	65,7%
Protiv sigurnosti javnog prometa	64	81	-17	-21%	61	95,3%
Protiv pravosuđa	7	39	-32	-82,1%	9	128,6% ¹
Protiv javnog reda i pravnog prometa	112	114	-2	-1,8%	109	97,3%
Protiv podmić. i kd protiv sl. i druge odgo..	15	13	2	15,4%	15	100%
Protiv sistema elektronske obrade podataka	2	0	2	---	2	100%
Protiv privrede i jedin. tržišta te...(KZBiH)	9	1	8	800%	9	100%
ZONDINOM-a (Sl.novine KS br. 01/18)	48	28	20	71,4%	48	100%
UKUPNO	2.802	3.152	-350	-11,1%	1.889	67,4%

U izvještajnom periodu, zabilježeno je smanjenje broja događaja sa obilježjem krivičnog djela i to za 350 ili 11,1%. Smanjenje je zabilježeno u oblastima protiv: imovine (za 268 događaja ili 14,2%), slobode i prava čovjeka i građanina (za 57 ili 34,8%), zdravlja ljudi (za 38 djela ili 8,5%), pravosuđa (za 32 ili 82,1%), sigurnosti javnog prometa (za 17 ili 21%), itd, dok je povećanje evidentirano u oblastima protiv: braka, porodice i mladeži (za 25 ili 14%), djela regulisanih ZONDINOIM-om (za 20 ili 71,4%), privrede i jedinstva tržišta...KZBiH (za osam ili 800%), života i tijela (za pet ili 4,1%), opće sigurnosti ljudi i imovine (za pet ili 8,1%), itd.

U periodu januar-septembar 2019. godine za ukupno 1.266 podnesenih službenih izvještaja, od strane Kantonalnog tužilaštva, donesena je naredba o obustavi i neprovođenju istrage (117 ili 8,4% manje u odnosu na uporedni period).

U periodu januar - septembar 2019. godine prijavljeno je 126 događaja sa obilježjem krivičnog djela iz ove oblasti (pet više) i to: ubistvo iz člana 166. KZFBiH-a – sedam (pet više), ubistvo u pokušaju – četiri (tri manje), teška tjelesna ozljeda – 41 (tri više), lahka tjelesna ozljeda – 73 (pet više) i učestvovanje u tuči – jedno (dva manje), a nadležnom tužilaštvu podneseni su službeni izvještaji protiv 129 lica, od kojih su 62 povratnika (ili 48,1%), a 46 je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 107 događaja sa obilježjem krivičnog djela (57 manje) i to: - ugrožavanje sigurnosti – 97, narušavanje nepovredivosti doma - četiri, protupravno lišenje slobode i otmica - po dva, otmica u pokušaju i protupravno lišenje slobode u podstrekavanju - po jedan događaj. Službeni izvještaji su podneseni protiv 99 lica od kojih su 54 povratnika (ili 54,5%), a 33 su lišena slobode.

Pored značajnog smanjenja ugrožavanja sigurnosti od 38,2%, bitno je napomenuti da su sva počinjena upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

¹ Dva djela sa obilježjem krivičnog djela iz člana 347. KZ FBiH-a (lažno prijavljivanje) registrovana u 2018. godini rasvijetljena su u izvještajnom periodu

PROTIV BRAKA, PORODICE I MLADEŽI

U ovoj oblasti registrovana su 203 događaja sa obilježjem krivičnog djela (25 više) i to: nasilje u porodici - 199 djela, zapuštanje ili zlostavljanje djeteta ili maloljetnika - dva, oduzimanje djeteta ili maloljetnika i izbjegavanje izdržavnja - po jedan događaj. Službeni izvještaji podneseni su protiv 200 lica od kojih su 102 povratnika ili 51%, a 135 je lišeno slobode.

PROTIV ZDRAVLJA LJUDI

Iz oblasti protiv zdravlja ljudi registrovano je 409 događaja sa obilježjem krivičnog djela (38 ili 8,5% manje) i to:

- neovlašćena proizvodnja i stavljanje u promet opojnih droga – 33 djela (devet više),
- posjedovanje i omogućavanje uživanja opojnih droga – 374 djela (49 manje),
- neovlašćena proizvodnja i stavljanje u promet opojnih droga u saučiniteljstvu - dva djela, za koje je prijavljeno je 417 lica (62 više), od kojih je 286 povratnika (ili 68,6%).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 45 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili događaj sa obilježjem krivičnog djela iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv ukupno 372 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", "Heroin", itd.) čime bi počinili događaj sa obilježjem krivičnog djela iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 268 lica je lišeno slobode (šest manje).

TABELARNI PREGLED ODUZETE OPOJNE DROGE U PERIODU JANUAR - SEPTEMBAR 2019/18. GODINE

VRSTA OPOJNE DROGE	JANUAR-SEPTEMBAR 2019. GODINE	JANUAR-SEPTEMBAR 2018. GODINE
Marihuana (u gramima)	133.756,00	4.734
Marihuana (paketići)	160	123
Marihuana (JOINT–cigarete, kom.)	13	26
Heroin (paketići)	36	99
Cannabis sativa (stabljike, komada)	352	2
Cannabis sativa (sjeme, komada)	100	100
Kokain (paketići)	2	2
Amfetamin (u gramima)	1.827	531
Amfetamin (paketići)	113	124
Ecstasy - tablete	260	74,5
Hašiš (paketići)	---	1
Pribor sa ostacima droge (komada)	39	43

S ciljem pronalaženja narkotičkih sredstava ispitano je i saslušano 201 lice, izvršen pretres 168 lica, 53 stambena objekta i većeg broja automobila po usmenim naredbama Opštinskog suda u Sarajevu.

PROTIV PRIVREDE, POSLOVANJA I SIGURNOSTI PLATNOG PROMETA

Iz ove oblasti registrovano je šest događaja sa obilježjem krivičnog djela (dva više) i to: obmana pri dobijanju kredita ili drugih pogodnosti - dva, zloupotreba ovlasti u privrednom poslovanju, krivotvorenje ili uništenje poslovnih ili trgovačkih knjiga ili isprava, prijevara u privrednom poslovanju i zloupotreba ovlasti u privrednom poslovanju u pokušaju - po jedno djelo za čije izvršenje je prijavljeno šest lica.

Takođe, tokom prvih devet mjeseci 2019. godine, zadokumentovani su i događaji sa obilježjem krivičnog djela koja su u vezi sa „privrednim kriminalom“, a svrstani su u druge glave KZFBiH-a i KZ BiH-a i to: krivotvorenje novca - devet djela, zloupotreba položaja ili ovlašćenja - osam, krivotvorenje isprave - tri, primanje nagrade ili drugog oblika koristi za trgovinu uticajem - dva, ovjeravanje neistinitog sadržaja, primanje dara ili drugih oblika koristi, pronevjera u službi, oštećenje računalnih programa i podataka i računalno krivotvorenje - po jedno djelo. Nastala materijalna šteta u ovoj oblasti iznosi 736.473,80 KM, 5.300 € i 200 \$ (u istom periodu prethodne godine iznosila je 31.537.053,30 KM).

PROTIV IMOVINE

U oblasti protiv imovine registrovano je 1.613 događaja sa obilježjem krivičnog djela što je za 268 ili 14,2% manje u odnosu na uporedni period.

Od ukupno 1.312 događaja evidentiranih po nepoznatom izvršiocu naknadno su rasvijetljena 442 ili 33,7% (1,6% više u odnosu na uporedni period).

Najbrojniji su: teška krađa – 828 (175 manje), krađa – 266 (14 manje), razbojništvo² – 307 (osam manje), oštećenje tuđe stvari – 91 (22 manje), utaja – 28 (dva manje), teška krađa u pokušaju – 25 (20 manje), prijevara – 20 (22 manje), paljevina - 13 (tri više), prikrivanje – osam (jedno manje), itd.

U ovoj oblasti prijavljeno je 551-no lice od kojih je 397 povratnika (ili 72%), a 250 je lišeno slobode. Za ukupno 740 događaja ili 45,9% identifikovani su osumnjičeni izvršioc, što je u odnosu na isti period prethodne godine, povećanje za 2,4%.

Objekti napada pri vršenju imovinskih delikata najčešće su bili stambeni objekti – 364 puta (43 manje), motorna vozila (otuđenja motornih vozila i “provale” u ista) - 245 (101 manje), prodavnice i drugi poslovni prostori - 131 (13 manje), na ulici - 67 (šest više), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, alati, itd.

U prvih devet mjeseci ove godine na području Kantona Sarajevo registrovana su 143 otuđenja motornih vozila, od čega je 77 ili 53,8% vraćeno (od strane policije MUP Kantona Sarajevo vraćeno je 48 vozila, MUP RS-a – jedno, drugih MUP-ova – šest i 22 vozila vlasnici su sami pronašli).

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 36 lica (23 više) od kojih je 28 povratnika (ili 77,8%).

U odnosu na uporedni period broj otuđenih vozila znatno je znatno smanjen i to za 87 ili 37,8%.

Na području Kantona Sarajevo u periodu januar – septembar ove godine registrovano je 307 razbojništava što je za osam ili 2,5% manje u odnosu na isti period prethodne godine.

Od ukupno 283 razbojništva evidentirana po nepoznatom izvršiocu naknadno je rasvijetljeno 121-no ili 42,8% (8,5% više u odnosu na uporedni period).

Razbojništva su počinjena u prodavnicama i drugim poslovnim prostorima - 115 puta (20 manje), u sportskim kladionicama – 47 (dva više), na ulici – 50 (32 manje), benzinskim pumpama - 49 (35 više), apotekama - 28 (jedno više), u bankama - tri (dva više), itd.

Navedena djela izvršena su prijetnjom upotrebe vatrenog oružja – 153 puta (25 više), prijetnjom i upotrebom noža ili drugog oštrog predmeta (komad stakla, šrafciğer i sl.) – 91 (26 manje) i upotrebom fizičke snage – 63 puta (sedam manje).

Identifikovani su izvršiocu za ukupno 145 ovih događaja ili 47,2% što je za 6,9% više u odnosu na isti period 2018. godine, a zbog postojanja osnova sumnje da su ih počinili prijavljeno je 120 lica (deset više) od kojih je 99 povratnika ili 83,3%.

U periodu januar - septembar 2019. godine registrovano je 77 teških krađa na naročito opasan ili naročito drzak (jedan ili 1,3% manje) u kojima su izvršiocu, upotrebom fizičke snage – 64 puta, te verbalnom prijetnjom u 13 slučajaja, otimali mobitele, nakit i novac.

Za izvršenje ovih oblika teških krađa, prijavljeno je 18 lica, od kojih je 14 povratnika (ili 77,8%), a 14 je lišeno slobode. Naknadno su rasvijetljena 24 ova djela ili 33,8% što je za 6,1% više.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 67 događaja sa obilježjem krivičnog djela (pet više) i to: izazivanje opće opasnosti – 54, nesavjesno čuvanje pasa i drugih opasnih životinja - deset, teška krivična djela protiv opće sigurnosti ljudi i imovine - dva i izazivanje opće opasnosti u podstrekavanju - jedan.

Izazivanja opće opasnosti izvršena su 49 puta na otvorenom prostoru, tri puta u stambenim objektima i dva u ugostiteljskim objektima pri čemu je 34 puta otvorenim plamenom izazvan požar, u 17 slučajaja je upotrijebljeno vatreno oružje, u jednom slučaju je aktivirana nepoznata eksplozivna naprava, zatim prijećeno je aktiviranjem rućne bombe i namjernim otvaranjem ventila za plin i curenjem plina izazvana opasnost po živote ljudi i imovinu. Posljedica izvršenja navedenih djela je ranjavanje četiri lica, uznemirenost građana i nastala materijalna šteta.

Zbog postojanja osnova sumnje da su poćinili djela iz ove oblasti nadležnom tužilaštvu podneseni su službeni izvještaji protiv 50 lica, od čega su 32 povratnika ili 64%, a 21-no je lišeno slobode.

PROTIV JAVNOG REDA I PRAVNOG PROMETA

U ovoj oblasti registrovano je 112 događaja sa obilježjem krivičnog djela (dva manje) i to: nasilnićko ponašanje - 38 događaja, nedozvoljeno držanje oružja ili eksplozivnih materija – 20, napad na službenu osobu u vršenju poslova sigurnosti – 18, krivtvorenje isprave – 18, sprećavanje službene osobe u vršenju službene radnje - devet, ovjeravanje neistinitog sadržaja – pet, itd.

Nadležnom tužilaštvu podneseni su službeni izvještaji protiv 107 lica, 59 je povratnika ili 55,1%, a 44 su lišena slobode.

DOGAĐAJI SA OBILJEŽJEM KRIVIČNOG DJELA REGULISANI ZONDINOIM-om

U izvještajnom periodu evidentirano je 48 događaja (20 više) regulisanih Zakonom o nabavljanju, držanju i nošenju oružja i municije Kantona Sarajevo za čije su izvršenje prijavljena 53 lica.

DOGAĐAJI SA OBILJEŽJEM KRIVIČNOG DJELA SA MALOLJETNIM IZVRŠIOCIMA

U periodu januar - septembar 2019. godine evidentirana su 43 događaja, u kojima je učestvovalo 46 malodobnih lica. U odnosu na isti period 2018. godine, broj maloljetnih učinilaca smanjen je za 25 ili 35,2%, a broj događaja sa obilježjem krivičnog djela smanjen je za 30 ili 41,1%.

Pregled broja maloljetnih izvršilaca za period januar-septembar 2019. godine, prema starosnoj strukturi

<i>starosna dob maloljetnika</i>	<i>do 14 god.</i>	<i>od 14 do 16 god.</i>	<i>od 16 do 18 god.</i>	<i>ukupno</i>
<i>januar-septembar 2019. godine</i>	1	16	29	46
<i>januar-septembar 2018. godine</i>	7	30	34	71

Među prijavljenim maloljetnim učiniocima, 17 su u dobi do 16 godina i 29 u dobi između 16 i 18 godina, a 17 maloljetnika su povratnici u izvršenju događaja sa obilježjem krivičnog djela.

Struktura događaja sa obilježjem krivičnog djela u periodu januar - septembar 2019/2018. godine

(KZ FBiH) događaja sa obilježjem krivičnog djela	januar - septembar 2019.	januar - septembar 2018.
ubistvo	1	---
ubistvo u pokušaju	2	---
teška tjelesna ozljeda	7	3
lahka tjelesna ozljeda	5	9
učestvovanje u tuči	---	1
ugrožavanje sigurnosti	1	8
ugrožavanje sigurnosti u podstrekavanju	---	1
silovanje	---	1
silovanje u pokušaju	---	1
spolni odnošaj s djetetom	1	---
nasilje u porodici	---	1
posjedovanje i omog. uživanja opojnih droga	3	4
krađa	6	2
teška krađa	---	15
teška krađa u pokušaju	1	1
teška krađa na naročito opasan ili drzak način	2	4
teška krađa na nar. opasan način u pokušaju	---	1
razbojništvo	6	7
utaja	1	1
oštećenje tuđe stvari	2	---
lažno prijavljivanje	---	3
napad na sl. osobu u vršenju poslova sigurnosti	1	---
nasilničko ponašanje	4	9
nedozvoljeno držanje oružja ili eksp. materija	---	1
UKUPNO	43	73

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO - EKSPLOZIVNIH SREDSTAVA

U periodu januar-septembar 2019. godine na području Kantona Sarajevo registrovano je šest slučajeva aktiviranja minsko-eksplozivnih sredstava (dva ili 25% manje u odnosu na isti period 2018. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U proteklih devet mjeseci 2019. godine registrovane su 22 anonimne dojave o postavljenoj eksplozivnoj napravi (41 u uporednom periodu), a odnosile su se uglavnom na srednje i osnovne

škole. Nakon KDZ pregleda utvrđeno je da su dojave bile lažne, za čija izvršenja su prijavljena četiri lica, a preduzimaju se aktivnosti na rasvjetljavanju ostalih slučajeva i pronalaženju učinilaca.

POŽARI

U periodu januar -septembar 2019. godine, na području Kantona Sarajevo registrovano je 159 požara (65 više) u kojima je jedno lice poginulo, a četiri povrijeđena.

Prema statističkim pokazateljima, 72 požara su izazvana namjerno, 31 nehatom, 30 zbog tehničkih nedostataka, dok uzroci 26 požara spadaju u kategoriju ostalih.

Požari su evidentirani u:

- Saobraćajnom sredstvu – 55 puta,
- Stambenom objektu – 39,
- Pomoćnom objekrtu - 16,
- Poslovnom prostoru – 12,
- Proizvodnom objektu– četiri,
- Šumi – dva,
- Magacinu – jednom,
- Ostalim objektima – 30 puta.

Zbog izazivanja požara nadležnom tužilaštvu je podneseno 47 službenih izvještaja: 34 iz člana 323. KZ FBiH (izazivanje opće opasnosti) i 13 iz člana 301. KZ FBiH-a (paljevina).

SAMOUBISTVA

U periodu januar-septembar 2019. godine na području Kantona Sarajevo registrovano je 26 samoubistava (dva manje), koja su izvršena: skakanjem sa visine – devet puta, upotrebom vatrenog oružja –sedam puta, vješanjem – šest puta, utapanjem, upotrebom oštrog predmeta i trovanjem - po jednom. Za jedan događaj samoubistva način je neutvrđen

TABELARNI PREGLED POČINJENIH SAMOUBISTAVA NA PODRUČJU KANTONA SARAJEVO
JANUAR – SEPTEMBAR 2019. GODINE

NAČIN IZVRŠENJA	MUŠKARCI				ŽENE				UKUPNO
	STAROSNA DOB								
	od 20 do 30	od 30 do 40	od 40 do 50	preko 50 godina	od 20 do 30	od 30 do 40	od 40 do 50	preko 50 godina	
VJEŠANJEM		1	2	2			1		6
VATRENIM ORUŽJEM			1	6					7
UTAPANJEM								1	1
OŠTRIM PREDMETOM				1					1
TROVANJEM								1	1
SKOKOM SA VISINE	1			2	1		2	3	9
OSTALI NAČINI				1					1
UKUPNO	1	1	3	12	1	0	3	5	26

Prema spolu, izvršioци su: 17 muškaraca i devet žena sljedeće starosne dobi: od 20 do 30 godina – dva lica, od 30 do 40 – jedno lice, od 40 do 50 godina – šest i 17 lica u dobi preko 50 godina.

OSTALE AKTIVNOSTI

Od strane Policijskih uprava fizičkim licima izdato je 580 odobrenja za nabavku vatrenog oružja i 671 oružni list.

Također, u sklopu aktivnosti na oduzimanju nelegalno posjedovanog oružja i drugih predmeta oduzeto je: 79 pištolja, 28 pušaka, 20 „noževa, mačeva, sablji i sl.“, 1.795 komada petardi, dva boksera, četiri ručne bombe, 2.325 kom. municije različitog kalibra, itd.

JAVNI RED I MIR

U toku perioda januar-septembar 2019. godine u oblasti protiv javnog reda i mira registrovano je 3.206 prekršaja (naloga – 2.587, zahtjeva za pokretanje prekršajnog postupka - 619), što u odnosu na isti period 2018. godine predstavlja povećanje za 158 ili 5,2%. Za izvršenje navedenih prekršaja prijavljeno je 3.399 lica (96 ili 2,9% više).

Na prekršaje utvrđene Zakonom o prekršajima protiv javnog reda i mira odnosi se 2.759 prekršaja (ili 86%), a na prekršaje koji su utvrđeni Odlukom općinskih vijeća o javnom redu i miru 447 ili 13,9%.

Od ukupnog broja prijavljenih lica, 413 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (2.161), između 26 i 35 godina (764), 19 i 25 godina (466) i do 18 godina – osam učinilaca.

Prilikom narušavanja javnog reda i mira u periodu januar - septembar 2019. godine, nije bilo teže povrijeđenih lica (kao ni u istom periodu 2018. godine), dok je 80 lica (šest manje) lakše povrijeđeno.

Tabelarni pregled strukture prekršaja iz oblasti javnog reda i mira za period januar-septembar 2019/2018.godina

STRUKTURA PREKRŠAJA	januar-septembar 2019.	januar-septembar 2018.	+ - %	
UKUPNO NALOGA I ZAHTJEVA	3.206	3.048	+158	5,2%
UKUPNO LICA	3.399	3.303	+96	2,9%
Prekršaji iz Zakona o prekršajima protiv JRiM:	2.759	2.675	+84	3,1%
<i>-Tuče</i>	249	313	-64	20,4%
<i>-Naročito drsko ponašanje</i>	281	325	-44	13,5%
<i>-Odbijanje naređenja i omalov. policijskih službenika</i>	261	261	isto	---
<i>-Svađa, vika, nepristojno ponašanje</i>	109	57	+52	91,2%
<i>-Uživanje opojne drogenom javnom mjestu</i>	10	21	-11	52,4%
<i>-Neovlaštena upotreba oružja</i>	2	5	-3	60%
<i>-Paljenje petardi</i>	10	9	+1	11,1%
<i>-Prosjačenje</i>	1.412	1.320	+92	7%
<i>-Ostali prekršaji iz Zakona o prekrš. protiv JRiM</i>	425	364	+61	16,7%
Prekršaji prema Odluci OV o JRiM	447	373	+74	19,8%

Prema vrsti prekršaja, najbrojniji su sljedeći prekršaji: prosjačenje (1.412 ili 44% od ukupnog broja), naročito drsko ponašanje (281 ili 8,8%), odbijanje naređenja i omalovažavanje policijskih službenika (261 ili 8,1%) i tuče (249 ili 7,8%). Također, evidentirano je 425 prekršaja iz kategorije ostali prekršaji i 447 prekršaja koji su regulisani Odlukom općinskih vijeća.

U odnosu na isti period 2018. godine smanjen je broj prekršaja učinjenih tučom, naročito drskim ponašanjem, uživanjem opojne droge na javnom mjestu i neovlaštenom upotrebom oružja, a broj prekršaja učinjenih odbijanjem naređenja i omalovažavanjem policijskih službenika ostao je isti, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (2.911 ili 90,8%), a znatno manje u ugostiteljskim objektima (125 ili 3,9%), u trgovinskim i zanatskim radnjama (13), školama i školskim dvorištima, sportskim stadionima i dvoranama (po osam), vozilima javnog saobraćaja (tri), a na ostalim mjestima 138 prekršaja.

Tabelarni pregled strukture prekršaja iz oblasti javnog reda i mira prema mjestu izvršenja u periodu januar-septembar 2019/2018. godine

MJESTO IZVRŠENJA	januar-septembar 2019.	januar-septembar 2018.	+ - %	
Ulice i drugi otvoreni prostori	2.911	2.752	+159	5,8%
Ugostiteljski objekti	125	112	+13	11,6%
Sportski stadioni i dvorane	8	1	+7	700%
Vozila javnog saobraćaja	3	6	-3	50%
Škole i školska dvorišta	8	22	-14	63,6%
Trgovinske i zanatske radnje	13	22	-9	40,9%
Ostala mjesta	138	133	+5	3,7%
UKUPNO	3.206	3.048	+158	5,2%

U odnosu na isti period 2018. godine, smanjen je broj prekršaja evidentiranih u vozilima javnog saobraćaja, školama i školskim dvorištima, trgovinskim i zanatskim radnjama, dok je na svim ostalim mjestima taj broj povećan.

Na području Kantona Sarajevo u periodu januar - septembar 2019. godine održana su 2.072 javna skupa (333 ili 13,8% manje u odnosu na isti period 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 486 slučajeva izvršeno je KDZ osiguranje.

SAOBRAĆAJ

U periodu januar – septembar 2019. godine, u odnosu na isti period prošle godine, na području Kantona Sarajevo registrovano je smanjenje:

- ukupnog broja saobraćajnih nezgoda,
- broja nezgoda sa materijalnom štetom,
- broja nezgoda sa nastradalim licima,
- broja nastradalih lica.

Registrovano je 6.775 saobraćajnih nezgoda (271 ili 3,8 % manje), od čega je 6.166 sa materijalnom štetom (257 ili 4 % manje) i 609 sa nastradalim licima (14 ili 2,2 % manje).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JANUAR – SEPTEMBAR 2019./2018. GODINA

	2019.	2018.	uporedba	
			+,-	%
UKUPAN BROJ SAOBRAĆAJNIH NEZGODA	6.775	7.046	- 271	- 3,8 %
SAOBRAĆAJNE NEZGODE SA NASTRADALIM LICIMA	609	623	- 14	- 2,2 %
SAOBRAĆAJNE NEZGODE SA MATERIJALNOM ŠTETOM	6.166	6.423	- 257	- 4 %
POGINULO LICA	11	12	- 1	- 8,3 %
- vozači	5	4	+ 1	+ 25 %
- putnici	2	3	- 1	- 33,3 %
- pješaci	4	5	- 1	- 20 %
POVRIJEĐENO LICA	782	787	- 5	- 0,6 %
- vozači	418	390	+ 28	+ 7,2 %
- putnici	223	254	- 31	- 12,2 %
- pješaci	141	143	- 2	- 1,4 %

U naselju je registrovano 6.096 saobraćajnih nezgoda (šest sa poginulim, 525 sa povrijeđenim licima i 5.565 sa materijalnom štetom), van naselja 679 nezgoda (tri sa poginulim, 75 sa povrijeđenim licima i 601 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
JANUAR – SEPTEMBAR 2019./2018. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	6	108	417	5.565	6.096	6	118	573
van naselja	3	9	66	601	679	5	10	81
UKUPNO	9	117	483	6.166	6.775	11	128	654

Prema kategoriji puta, saobraćajne nezgode registrovane su:

- na ulicama u naselju – 4.107 nezgoda (pet lica poginulo, 429 povrijeđeno),
- na magistralnim putevima – 888 (četiri lica poginula, 177 povrijeđeno),
- na lokalnim putevima – 434 (dva lica poginula, 46 lica povrijeđeno),
- na regionalnim putevima – 375 (37 lica povrijeđeno),
- na putevima koji se ubrajaju u kategoriju ostalih – 971 (93 lica povrijeđena).

Prema karakteristikama puta, saobraćajne nezgode registrovane su:

- na raskrsnicama u naselju – 1.027 (jedno lice poginulo, 171 lice povrijeđeno),
- na raskrsnicama van naselja – 256 (22 lica povrijeđena),
- na pješačkim prelazima – 83 (23 lica povrijeđena),
- na mostu – 10 (bez nastradalih lica),
- u tunelu – jedna saobraćajna nezgoda (jedno lice povrijeđeno),
- na prelazu preko željezničke pruge – tri saobraćajne nezgode (bez nastradalih lica),
- na putevima koji se ubrajaju u karakteristike ostalih – 5.395 (10 lica poginulo, 565 lica povrijeđeno).

POSLJEDICE SAOBRAĆAJNIH NEZGODA

U periodu januar –septembar 2019. godine, u saobraćajnim nezgodama na području Kantona Sarajevo nastradala su ukupno 793 lica što je za šest ili 0,7 % manje u odnosu na isti period prethodne godine.

TABELARNI PREGLED NASTRADALIH LICA (poginula, teško i lakše povrijeđena)
U SAOBRAĆAJNIM NEZGODAMA
JANUAR-SEPTEMBAR 2019/2018. GODINA

učesnici u saobraćaju	2019. GODINA	2018. GODINA	uporedba	
			+/-	%
vozači	423	394	+ 29	+ 7,4 %
putnici	225	257	- 32	- 12,4 %
pješaci	145	148	- 3	- 2 %
UKUPNO	793	799	- 6	- 0,7 %

Jedanaest lica je poginulo (jedno ili 8,3 % manje), dok su 782 lica povrijeđena (pet ili 0,6 % manje), od čega 128 teže (12 više) i 654 lakše (17 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
JANUAR – SEPTEMBAR 2019/2018.GODINA

PERIOD	2019. GODINA			2018. GODINA			UPOREDBA 2019/18. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	5	54	364	4	42	348	+ 1	+ 12	+ 16
PUTNICI	2	21	202	3	27	227	- 1	- 6	- 25
PJEŠACI	4	53	88	5	47	96	- 1	+ 6	- 8
UKUPNO	11	128	654	12	116	671	- 1	+ 12	- 17

KATEGORIJE LICA POGINULIH U SAOBRAĆAJNIM NEZGODAMA PO OPĆINAMA

- Vozači – pet (Hadžići – dva, Ilijaš- dva, Ilidža – jedan),
- Pješaci – četiri (Centar -dva, Novi Grad - dva),
- Putnici –dva (Hadžići)

STEPEN POVREDA UČESNIKA U SAOBRAĆAJNIM NEZGODAMA

- Vozači : 418 vozača povrijeđeno (54 teže i 364 lakše),
- Putnici: 223 putnika povrijeđena (21 teže i 202 lakše),
- Pješaci: 141 pješak povrijeđen (53 teže i 88 lakše)

Starosna dob nastradalih lica u saobraćajnim nezgodama je slijedeća:

- ispod 6 godina – 15 lica,
- od 6 do 9 godina – 13,
- od 10 do 14 godina – 16,
- od 15 do 17 godina – 14,
- od 18 do 20 godina- 42,
- od 21 do 24 godina – 96,
- od 25 do 30 godina - 108,
- od 31 do 40 godina – 168,
- od 41 do 50 godina – 111,
- od 51 do 65 godina -103,
- 66 i više godina – 68,
- Nepoznata starosna dob – 39 lica.

Starosna dob nastradalih vozača u saobraćajnim nezgodama je slijedeća:

- od 18 do 23 godine – 65 lica,
- od 23 do 30 godina – 90,
- od 30 do 40 godina – 125,
- od 40 do 50 godina – 64,
- od 50 do 60 godina – 43,
- 60 i više godina – 30,

- Nepoznata strašna doba – šest lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 5.579 (10 lica poginulo, 546 lica povrijeđeno),
- neprilagođena brzina – 1.114 (jedno lice poginulo, 211 lica povrijeđeno),
- uticaj alkohola – 66 (21 lice povrijeđeno),
- klizav put – 14 (tri lica povrijeđena),
- uticaj opojnih droga - jedna nezgoda (bez nastradalih lica),
- nedostatak saobraćajne signalizacije – jedna nezgoda (jedno lice povrijeđeno).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, policijski službenici su kontrolisali ukupno 160.070 vozila (9.965 ili 5,9 % manje).

Zbog kršenja propisa iz oblasti sigurnosti saobraćaja uručeno je 158.414 prekršajnih naloga vozačima (19.568 ili 14,1 % više), podnesen 731 zahtjev za pokretanje prekršajnog postupka (502 ili 219,2 % više) i registrovana 64 događaja s obilježjem krivičnog djela zbog ugrožavanja sigurnosti javnog prometa (17 ili 21 % manje).

Zbog tehničke neispravnosti, iz saobraćaja su isključena 342 vozila (19 ili 5,3 % manje), 2.125 vozača je zatečeno da upravljaju vozilom pod dejstvom alkohola (160 ili 8,1 % više), 2.680 bez korištenja sigurnosnog pojasa (557 ili 17,2 % manje), 1.353 bez položenog vozačkog ispita (410 ili 43,5 % više), 454 pod izrečenom zaštitnom mjerom (34 ili 8,1 % više), 2.810 vozača je zatečeno da koriste mobilne telefone tokom vožnje (1.564 ili 35,7 % manje), a 5.106 vozila je otkriveno da učestvuju u saobraćaju bez važeće registracije (3.444 ili 207,2 % više).

MIRUJUĆI SAOBRAĆAJ I KONTROLA PJEŠAKA

U periodu januar - septembar 2019. godine, pripadnici Uprave policije su uručili 62.788 prekršajnih naloga vozačima koji nisu poštivali saobraćajne propise prilikom parkiranja (3.742 više u odnosu na isti period prošle godine), upozorili 2.747 vozača (1.223 manje), a specijalnim vozilom „pauk“ su premjestili 1.499 vozila (823 manje).

Takođe, pješacima koji su kršili saobraćajne propise uručeno je 2.060 prekršajnih naloga (10 više), a upozoreno je 400 pješaka (249 manje).

ZAKONITOST U RADU

U periodu januar- septembar 2019. godine registrovano je 18 napada (jedan manje) na policijske službenike MUP-a Kantona Sarajevo: 15 pojedinačnih i tri grupna napada. Napade je izvršilo 21 lice, među kojima su dva maloljetnika i jedan strani državljanin. Tom prilikom je jedan policijski službenik ranjen, dok je 13 policijskih službenika lakše povrijeđeno.

Policijski službenici Uprave policije su tokom izvještajnog perioda u 29 slučajeva opravdano upotrijebili silu :

- Fizičku snagu i sredstva za vezivanje – 26 puta
- vatreno oružje – dva puta
- Fizičku snagu, službenu palicu i sredstva za vezivanje – jednom

U periodu januar- septembar 2019. godine, razmatrano je 259 predstavki na rad policijskih službenika, od čega je 203 podneseno od strane građana, a 56 predstavljaju saznanja iz službe. Nakon razmatranih predstavki Odbor za žalbe građana Skupštine Kantona Sarajevo donio je zaključak da se za 92 predstavke (24 više) provede unutrašnja istraga. Za 90 predstavki je odlučeno da se izvrše provjere i prikupi dokumentacija, za 43 da su neosnovane, za pet da je Odbor nenadležan, pet da se prosljede nadležnoj policijskoj upravi i dvije da se pripoje spisu. Za dvije žalbe je odlučeno da se spoje u jednu predstavku s obzirom da se radi o istom policijskom službeniku, dvije da se spoje u istragu, dvije da se prosljede na na sudsko odlučivanje i dvije da je Odbor nenadležan.

Okončano je 85 unutrašnjih istraga među kojima je 27 neosnovanih, 24 su osnovane, 23 su bile bez dovoljno dokaza, u pet slučajeva istrage su oslobađajuće, u tri slučaja upućene na dopunu, u dva slučaja obustavljene, dok je u jednom slučaju stranka odustala od žalbe.

RAD POLICIJE U ZAJEDNICI

U okviru Rada policije u zajednici u periodu januar - septembar 2019. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost svih građana Kantona Sarajevo.

S tim u vezi preduzimane su, između ostalog, slijedeće aktivnosti:

- Prisustvovanje edukativnoj radionici na temu: "Prevenција iskorištavanja i zlostavljanja djece u digitalnom okruženju" u organizaciji Visokog sudskog i tužilačkog vijeća Bosne i Hercegovine, a u okviru "Projekta jačanja tužilačkih kapaciteta u sistemu krivičnog pravosuđa u BiH" uz podršku Vlade Švicarske;
- Prisustvovanje radionici „Dijalog za budućnost“, koju je organizovalo općinsko vijeće Novog Grada;
- Prisustvovanje radionici na temu „Prva dijaloška platforma“, koju je organizovala nevladina organizacija CPCD;
- Učestvovanje u realizaciji „6. Kids kindurijade“, koja je u Domu mladih održana u organizaciji „Media tyme“ doo;
- Učešće u edukativnim radionicama na temu „Prevenција zloupotrebe narkotičkih sredstava“, za učenike srednjih škola na području Kantona Sarajevo;
- Učešće u manifestaciji „Vrijedimo li šta“ sa temom „Iskustva žena zaposlenih u sigurnosnim agencijama u BiH“;
- Prisustvovanje edukacijama na temu „Lopov uvijek bude otkriven“, u sklopu "Projekta jačanja tužilačkih kapaciteta u sistemu krivičnog pravosuđa u BiH";
- Nastavljeno je učešće u realizaciji kampanje „Uklanjanje grafita“ u organizaciji ICITAP-a, ambasade SAD-a i Gradske uprave Grada Sarajeva;
- Održane su edukativne radionice na temu "Prevenција maloljetničkog prijestupništva i kultura ponašanja na javnom mjestu" zatim "Šta je hladno i vatreno oružje sa sankcijama u slučaju

zloupotrebe", "Nužna odbrana i krajnja nužda i prekoračenje nužne odbrane i krajnje nužde" i "Zloupotreba opojnih droga sa klasifikacijom" u srednjim školama Kantona Sarajevo,

- Vršeni su obilasci obdaništa na području Kantona Sarajevo u sklopu projekta "Sigurnost djece u saobraćaju" te organizovane posjete djece policijskim stanicama gdje su prezentovana sredstva i oprema koju policijski službenici koriste svakodnevno u svom radu, nakon čega su djeca upoznata sa saobraćajnim propisima za njihov uzrast.
- Aktivno se radilo na sprečavanju prosjačenja, skitnje, kao i propuštenog staranja za maloljetne osobe.
- Organizovan je pojačan obilazak parking prostora i mjesta na kojima se evidentira veći broj događaja sa obilježjem krivičnog djela, kao i narušavanje javnog reda i mira u većem obimu.
- Intenzivirano je rasvjetljavanje lažnih dojava o postavljanju bombi u srednjim školama, a ujedno se radilo na edukaciji učenika i nastavnog osoblja, odnosno povećanju svijesti o štetnosti i protivpravnosti ove vrste devijantnog ponašanja.
- Uprava policije MUP-a Kantona Sarajevo je u saradnji sa „AT Store“ provela kampanju pod nazivom „Neko te voli“, sa ciljem smanjenja broja učesnika koji koriste mobilne telefone prilikom kretanja u saobraćaju.
- U sklopu aktivnosti „Akcija bezbjednosti na putevima“ ispred BBI Centra je pod pokroviteljstvom Svjetske automobilske federacije održan „Proljetni auto Show“, na kojem je učešće uzela i Uprava policije prezentacijom rada i opreme Jedinice za saobraćaj i Rada policije u zjednici.
- Jedinicu za saobraćaj su posjetila djeca predškolskog uzrasta i osoblje vrtića „Višnjik“, kojima je tom prilikom prezentirana oprema ove Jedinice i održano stručno predavanje na temu „Sigurnost djece u saobraćaju“.
- U saradnji sa „Media Time“ doo, na lokaciji parking prostora Olimpijske dvorane Zetra, u okviru „8 – Sarajevo Beer Festivala“, organizovali trodnevnu realizaciju projekta „Ako si pio ne vozi“, na kojoj je prisustvovalo između 5.000 i 6.000 posjetilaca. Prilikom realizacije projekta korištena su materijalno-tehnička sredstva Jedinice za saobraćaj,
- Održane edukativne radionice na temu „Djeca u saobraćaju“, „Policajac prijatelj“ i "Sigurnost na cestama u BiH",
- Učestvovanje u realizaciji međunarodnog turnira u fudbalu pod nazivom „U- 17“ i sloganom „Igraj fudbal živi život“, koji je održan u sklopu manifestacije „Novogradski dani“,
- Osiguranje sportske priredbe „Evropsko prvenstvo za žene U 18 Divizija – A.
- Održane radionice na temu "Trening timova za realizaciju modula program socijalizacije s pravom" u okviru projekta "Program socijalizacije s pravom (PSP) u organizaciji PH International Ured u Sarajevu,
- Policijski službenici Uprave policije izvršili su fizičko i saobraćajno osiguranje i propratili održavanje javnih skupova sa učešćem velikog broja građana kao što su "Igman - 2019", "25. Sarajevo Film Festival", "Druženje lovaca BiH 2019.", "Porodični dan", "Ima izać", itd.
- U izvještajnom periodu pojačan je obilazak mjesta na kojima dolazi do veće transakcije novca (banake i trgovački centri), a ujedno se radilo na prikupljanju bezbjednosno interesentnih saznanja po pitanju događaja sa obilježjem krivičnog djela razbojništva, teških krađa motornih vozila, provalnih krađa u stanove, poslovne objekte, kao i razvijanju saradnje sa građanima i jačanju povjerenja građana u rad policije.

Sarajevo, 22.10.2019. godine

Odjeljenje za odnose s javnošću